

四庫全書

史部

欽定四庫全書

史部

欽定續通志卷二百九十六

中書<sub>臣</sub>李采覆勘

總校官原任侍講<sub>臣</sub>王燕緒

欽定四庫全書

欽定續通志卷一百九十一

列傳

五代十一

韓建

韓建

高萬興

溫韜

宋瑋

韓建字佐時許州長社人少為蔡州軍校隸忠武軍將

楊崇本

盧光稠

譚全播

鹿晏弘從楊復光復光死晏弘與建等無所屬乃以麾下西迎僖宗所過攻劫據山南而不能守晏弘東走許州建乃奔蜀拜金吾衛將軍僖宗還長安拜華州刺史華州數經大兵戶口流散建少習農事督民耕植出入問疾苦建不知書使人題所服器具各為名目以視之久乃漸通文字時諸鎮皆武夫獨建撫緝兵民荆南成汭時冒姓郭亦善緝荆楚當時號為北韓南郭大順元年以兵屬張濬伐晉濬敗建自含山遯歸河中之爭立

也建與李茂貞助王珙語在茂貞傳晉兵問罪三鎮傳  
華州建登城呼曰敝邑未嘗失禮於大國何為見攻晉  
人曰君以兵犯天子殺大臣是以討也已而與晉和乾  
寧三年茂貞復犯京師昭宗將奔太原次渭北建遣子

允

通鑑作  
從允

請幸華州昭宗又欲如鄜州建追及於富平

泣曰藩臣倔彊非止茂貞若捨近畿而巡極塞乘輿渡  
河不可復矣昭宗亦泣遂幸華州時天子孤弱獨有殿  
後軍及定州三都將李筠等兵千餘人為衛以諸王將

之建已得昭宗遂欲制之因請罷諸王將兵散去殿後  
諸軍累表不報昭宗登齊雲樓西北顧望京師作菩薩  
蠻詞三章酒酣與從臣悲歌泣下建心不悅因遣人告  
諸王謀殺建劫天子佗幸昭宗召建將辨之建稱疾不  
出乃遣諸王自詣建辨之建不見請送諸王十六宅昭  
宗難之建乃率精兵數千圍行宮請誅李筠昭宗大懼  
遽詔斬筠悉散殿後及三都衛兵幽諸王於十六宅昭  
宗益悔幸華遣廷王戒丕使晉以謀興復戒丕還建與

中尉劉季述誣諸王謀反以兵圍十六宅諸王皆登屋  
叫呼遂見殺昭宗無如何為建立德政碑以慰安之建  
已殺諸王乃管南莊起樓閣欲邀昭宗遊幸因廢之而  
立德王裕其父叔豐謂建曰汝陳許間一田夫遭亂蒙  
恩至此欲以兩州百里地行大事覆族之禍吾不忍見  
不如先死會李茂貞梁太祖皆欲發兵迎天子建稍懼  
乃止化光元年昭宗還長安封建潁川郡王辭乃封許  
國公賜鐵券梁太祖以兵嚮長安遣張存敬攻下同州

建乃降太祖責建背已建曰判官李巨川之謀也太祖  
即殺巨川以建從昭宗東遷建從至洛陽昭宗舉酒屬  
太祖與建曰遷都後國步小康社稷安危繫卿兩人  
何皇后舉觴建躡太祖足太祖乃陽醉去建出謂太  
祖曰天子與宮人眼語幕下有兵仗聲恐公不免也太  
祖以故尤德之表建平盧軍節度使太祖即位拜司  
徒同中書門下平章事太祖性剛暴臣下莫敢諫爭  
惟建時有言頗優容之未幾罷相出鎮許州太祖崩  
許州軍亂



見殺按五代史此下有李仁福傳仁福為夏國之先應入宋載記此從刪

韓遜不知其世家初為靈武軍校唐末據有靈鹽唐即以為節度使梁開平三年封潁川王時邠寧鄜延鳳翔諸鎮皆與梁爭戰獨遜臣屬於梁李茂貞嘗遣劉知俊攻遜不能克遜亦善撫其部人愛之為立生祠貞明中遜卒軍中立其子洙為留後梁即以為節度使至唐莊宗時又以洙兼河西節度天成四年洙卒以洙子澄為朔方軍留後其將李賓作亂澄乃上書請師於朝明宗以康

福代之韓氏自遜有靈武史不見其事傳世皆無所稱  
澄後不知所終

楊崇本幼為李茂貞養子冒姓李名繼徽茂貞表為靜  
難軍節度使梁太祖攻岐未下移兵攻邠州崇本降太  
祖使復姓賜名崇本遷其家於河中以為質崇本妻有  
色太祖往來河中嘗幸之妻頗愧耻間遣人誚責崇本  
崇本涕泣憤怒其後梁兵解岐圍崇本妻得歸乃復背  
梁歸李茂貞西連蜀兵與崇本攻雍華進屯美原梁將

康懷英等會同州劉知俊擊敗之自此不復東乾化四年為其子彥魯所弑崇本養子李保衡殺彥魯以降

梁

高萬興河西人

五代史作河南人今從薛史

唐末河西屬李茂貞茂

貞將胡敬璋為延州刺史萬興與弟萬金俱事敬璋為

騎將敬璋死其將劉萬子代為刺史梁開平二年萬子

會葬敬璋其將許從實殺之自為延州刺史時萬興兄

弟將兵戍境上聞萬子死以部下數千人降梁

薛史作萬興萬

金因會葬縱兵攻萬子歸款於汴而歐史以為許從梁  
實作亂考萬興兄弟時方戍境上自以歐史為實梁

太祖屯河中遣劉知俊以兵應萬興攻丹州執刺史崔

公實進攻延州執許從實鄜州李彥容坊州李彥昱皆

棄城走太祖乃以萬興為延州刺史忠義軍節度使以

牛存節鎮鄜延已而劉知俊叛乃徙存節同州以萬金

代存節萬興累遷檢校太師兼中書令封渤海郡王貞

明四年萬金卒乃以萬興為鄜延節度使進封北平王

梁亡莊宗入洛萬興嘗一來朝同光三年卒於鎮子允

韜代立徙鎮安國義成清泰中卒萬金子允權開運中  
為膚施令罷居於家時周密為彰信軍節度使契丹滅  
晉延州軍亂逐密密守東城而西城之兵以允權為留  
後聞漢高祖起太原遂歸漢即拜節度使廣順三年卒  
溫韜京兆華原人少為盜後事李茂貞為華原鎮將冒  
姓李名彥韜茂貞以華原縣為耀州以韜為刺史梁太  
祖圍岐韜以耀州降已而復叛歸茂貞茂貞又以美原  
縣為鼎州建義勝軍以韜為節度使末帝時韜復叛茂

貞降梁梁改耀州為崇鼎為裕義勝軍為靜勝以韜為  
節度使復其姓溫更其名曰昭圖韜在鎮七年悉發掘  
唐諸陵取其所藏金寶而昭陵最固韜從堦道下見宮  
室制度闕麗不異人間中為正寢東西廂列石牀牀上  
石函中為鐵匣悉藏前世圖書鍾王筆迹紙墨如新韜  
悉取之惟乾陵風雨不可發後徙鎮忠武莊宗滅梁韜  
自許來朝因伶人景進納賂劉皇后莊宗待韜甚厚賜  
姓名曰李紹冲郭崇韜曰此劫陵賊耳罪不赦莊宗曰

已宥之矣遽遣還鎮明宗入洛與段凝俱收下獄已而赦歸田里明年流德州賜死

盧光稠譚全播皆南康人光稠狀貌雄偉無他才能而全播勇敢有識畧然全播常竒光稠為人唐末相與聚兵為盜衆推全播為主全播曰諸君徒為賊乎而欲成功乎若欲成功當得良帥盧公堂堂真君等主也衆陽諾之全播怒拔劍斬木以誓衆懼乃立光稠為帥是時王潮陷嶺南全播攻取其虔韶二州又遣光稠弟光睦

攻潮州光睦好勇而輕進全播度其必敗乃伏兵歸路  
光睦果敗走潮人追之發伏邀擊大敗之遂取潮州時  
劉巖起南海以兵數萬攻虔州光稠大懼全播曰劉巖  
易與爾乃選精兵萬人伏山谷中以老弱五千出戰於  
城南戰酣偽北巖急追之伏兵發巖遂大敗光稠第戰  
功全播悉推諸將光稠心益賢之光稠以虔韶二州請  
命於梁太祖為置百勝軍以光稠為防禦使兼五嶺開  
通使又建鎮南軍以為留後

光稠以州附於淮南又遣



使附子梁附淮  
南事傳史載

開平五年光稠病以符印屬金播不受光

稠卒金播立其子延昌事之延昌好遊獵其將黎求閑

門拒之延昌見殺求因謀殺金播金播懼稱疾不出求

乃自立尋暴病死其將李彥圖自立金播益懼遂杜門

稱篤彥圖疑之使覘其動靜金播應覘為狀以自免彥

圖死州人相率扣門請金播乃起遣使請命於梁拜防

禦使金播治虔州七年有善政楊隆演遣劉信攻破虔

州以金播歸廣陵卒

按五代史此下有雷滿鍾傳趙匡  
凝宋宣等傳皆已入唐書此不複

載

朱瑾唐天平軍節度使宣從弟也宣事在唐傳瑾從宣居鄆州補軍校少倜儻有大志兗州節度使齊克讓愛其為人以女妻之瑾親迎選壯士為與夫伏兵器輿中夜至兗州兵發虜克讓自稱留後僖宗即拜瑾泰寧軍節度使梁太祖既與瑾兄弟惡歲攻兗鄆瑾兄弟往來相救凡十餘年大小數十戰與太祖屢相勝敗太祖得宣將賀瓌何懷寶及瑾兄瓊乃將至兗城下告瑾曰汝

兄敗矣瓊等已降不如早自歸瑾偽曰諾乃遣牙將持書幣詣軍門降太祖大喜至延壽門與瑾交語瑾曰願得瓊來送符印太祖信之遣客將劉捍送瓊往瑾伏壯士橋下單騎迎瓊揮手語捍曰請瓊獨來瓊前壯士擒之遂閉門責以先降斬之擲其首城外太祖度不可下乃留兵圍之而去瑾嬰城自守而乞兵於晉晉遣李承嗣史儼等以騎兵五千救之太祖已破宣乃急趨克城中食盡瑾與承嗣等掠食豐沛間梁兵奄至瑾將康懷

英等以城降瑾等將麾下走沂州刺史尹處賓不納又走海州梁兵急追之乃奔淮南楊行密聞瑾來大喜表瑾領武寧軍節度使以為行軍副使瑾大破梁兵於清口行密累表瑾東南諸道行營副都統領平盧軍節度使同中書門下平章事行密死渥及隆演相繼立皆年少徐溫與子知訓專政畏瑾欲除之瑾乃謀殺知訓嘗以月旦遣愛妾候知訓家知訓強通之妾歸訴瑾益不平屢勸隆演誅徐氏以去國患隆演不能既而知訓以

泗州建靜淮軍出瑾為節度使將行召之夜飲明日過  
瑾謝延升堂出其妻陶氏知訓方拜瑾以笏擊踣之伏  
兵自戶突出殺之初瑾以二惡馬繫庭中知訓入而釋  
馬使相蹙鳴故外人莫聞其變瑾攜其首馳示隆演曰  
今日為吳除患矣隆演曰此事非吾敢知遽起入內

按謹

通鑑輯覽

御批知訓無禮於君凡有心者皆當為鷹鷂之逐朱瑾雖以  
私嫌擅殺然實為吳除害隆演既據有吳國自當為主  
持庶幾敗虜者知所警惕乃懦怯無識誤為不敢與聞致徐  
溫覲覲日深浸成篡竊之禍雖其反身以柔善自瑾忿然  
全而吳業之衰自彼釀之實行密之罪臣敗子耳瑾忿然

以首擊柱提劍而出府門已闔因踰垣折足瑾顧路窮  
大呼曰吾為萬人去害而一身死之遂自刎潤州徐知  
誥聞亂以兵趨廣陵族瑾家瑾妻陶氏臨刑而泣其妾  
曰何為泣今行見公矣陶氏收淚欣然就戮瑾嘗病疽  
醫者視之色懼瑾曰但理之吾非以病死者於是果然  
按五代史此下有王師範李罕之孟方立王珂趙犛馮  
行襲等傳俱已入唐書又氏叔琮李彥威即宋友恭俱  
入唐森臣傳此俱從刪  
又李振改入逆臣傳

欽定續通志卷二百九十一

欽定四庫全書

欽定續通志卷二百九十二

列傳

五代

十二

裴迪

韋震

孫德昭

王敬堯

劉知俊

丁會

賀德倫

閻寶

裴迪字昇之河東聞喜人善治財賦唐司空裴璩判度

支辟為出使巡官都統王鐸鎮滑州奏迪汴宋鄆等州  
供軍院使鐸為租庸使辟租庸招納使梁太祖鎮宣武  
辟節度判官太祖用兵四方留迪調兵賦一切貨財獄  
訟皆任迪太祖西攻岐王師範謀襲汴遣健卒苗公立  
陰伺虛實迪召公立問東事公立色動屏人密詰之具  
得其事不暇啟遣朱友寧以兵巡兗郛以故師範雖竊  
發而事卒不成太祖自岐還將吏皆賜迎鑾叶贊功臣  
將吏入見太祖目迪曰叶贊之功惟裴公有之他人不



足當也。迪入唐累遷太常卿。太祖即位，召拜右僕射，居一歲告老，以司空致仕卒于家。

韋震字東卿，雍州萬年人。初名肇，強敏有口辯。事梁太祖為都統判官，申叢執秦宗權猶豫，不知所為。太祖遣震覘之，震料其必敗。叢後果為郭璠所殺，璠以宗權歸太祖。太祖欲大其事，請獻俘于唐。唐以黃巢獻馘而已。宗權不足俘，左拾遺徐彥樞亦疏請所在斬決。太祖遣震往復論奏，卒俘宗權。太祖德之，表為節度副使。昭宗

幸石門太祖遣震由號略間道奉表行在昭宗賜其名  
震太祖已破兗鄆遂攻吳而敗懼諸鎮圖已乃諷諸鎮  
薦已為元帥且求兼領鄆州昭宗初不許震強辯敢大  
言語數不遜昭宗卒許之太祖遂兼四鎮表震鄆州留  
後昭宗遷洛震入為河南尹六軍諸衛副使以病瘖守  
太子太保致仕太祖受禪改太子太傅末帝即位加太

師卒

按五代史此下有乳  
循傳今改入逆臣

孫德昭鹽州五原人父惟最

薛史作  
惟最

當黃巢陷長安率

鄉里子弟得義兵千人攻巢咸陽興平州將壯之益以  
州兵二千與破賊功拜右金吾衛大將軍累遷鄜州節  
度使留京師宿衛鄜州將吏詣闕請之鎮京師民數萬  
與神策軍復遮留不得行改荆南節度使在京制置分  
判神策軍號扈駕都德昭以父任為神策軍指揮使光  
化三年劉季述廢昭宗宰相崔胤謀反正陰求義士共  
事德昭乃與孫承誨董從實按新唐書及通鑑俱作周承誨董彥弼薛史與歐史  
同應脗天復元年正月朔未旦季述將朝德昭伏甲士

道旁邀其輿斬之承誨等分索餘黨立盡昭宗聞外諠  
譁大恐德昭馳至扣門曰季述誅矣皇帝當反正何皇  
后呼曰可進逆首德昭擲其首入已而承誨等悉取餘  
黨首以獻昭宗信之德昭破鎖出昭宗御丹鳳樓反正  
以功拜靜海軍節度使賜姓李號扶傾濟難忠烈功臣  
與承誨等皆拜節度使同中書門下平章事圖形凌烟  
閣俱留京師號三使相思寵無比時崔胤方召梁兵誅  
宦官而宦官亦倚李茂貞為扞蔽梁岐交爭冬十月宦

者韓全誨劫昭宗幸鳳翔承誨從實皆從而德昭獨與  
梁太祖頗德其附已至華州德昭以軍禮迎謁太祖至  
京師表同州留後將行京師民復請留遂留為兩街制  
置使梁兵圍鳳翔德昭以其兵八千屬太祖太祖益德  
之使先之洛陽昭宗東遷拜左威衛上將軍以疾免太  
祖即位以為左衛大將軍末帝立拜左金吾大將軍卒  
承誨從實至鳳翔與宦者俱見殺

王敬瑄潁川汝陰人為州牙將唐末王仙芝等攻劫汝

潁間刺史不能拒敬堯遂代之即拜刺史善用鐵鎗重三十斤潁州與淮西為鄰境數為秦宗權所攻力戰拒之潁旁諸州民皆倚敬堯避賊潁州戶至二萬梁太祖攻淮南道過潁敬堯供饋甚厚太祖大喜表為沿淮指揮使梁兵攻吳龐師古死清口敗兵歸過潁大雪飢凍敬堯乃沿淮積薪為燎作糜粥舖之多賴以全活太祖表敬堯為武寧軍留後遂拜節度使天祐三年為左衛上將軍太祖即位以疾致仕卒

按五代史此下有將殷傳今改入逆臣

劉知俊字希賢徐州沛人少事時溥溥與梁相攻知俊  
與麾下二千人降梁太祖以為左開道指揮使名重軍  
中歷海懷鄭三州刺史從破青州以功表匡國軍節度  
使邠州楊崇本以兵六萬攻雍華太祖方與諸將攻滄  
州知俊不俟命與康懷英等擊敗之斬獲無算延州高  
萬興降梁太祖遣知俊會萬興攻下丹延廊坊四州加  
檢校太尉兼侍中封大彭郡王知俊功益高太祖性多  
猜忌屢殺諸將王重師無罪見殺知俊不自安太祖已

下邳坊遣知俊復攻邠州知俊以軍食不給未行太祖

幸河中使宣徽使王殷召知俊其弟知浣為親軍指揮

使間遣人告知俊不宜來知俊遂叛臣於李茂貞

按通鑑知

俊既附岐復遣使請晉人出兵攻晉絳遺晉王書曰不

過旬日可取兩京復唐社稷是知俊不獨臣岐且通晉也歐史

失載以兵攻雍華執劉捍送鳳翔太祖使人謂曰朕

待卿至矣何相負耶知俊報曰王重師不負陛下而族

滅臣非背德但畏死爾太祖復使語以前誅重師為劉

捍所誤今捍已死無所釋憾知俊不報以兵斷潼關太



祖遣劉鄩牛存節攻之遂奔于茂貞茂貞地狹無以處

之使西攻靈武韓遜告急太祖遣康懷英寇彥卿等攻

邠寧以牽之知俊大敗懷英於昇平

薛史作長安嶺

殺梁將許

從實茂貞以為涇州節度使使攻興元取興鳳圍西縣

已而茂貞左右忌知俊功間之茂貞奪其軍乃奔于蜀

王建以為武信軍節度使使反攻茂貞取秦鳳階成四

州建待知俊甚厚然陰忌其材蜀人亦共嫉之知俊色

黑而其生歲在丑建諸子皆以宗承為名乃於里巷構

謠言曰黑牛出圈椶繩斷建孟惡之遂見殺

丁會字道隱壽州壽春人少為盜與梁太祖俱從黃巢  
太祖鎮宣武以為都押衙張全義襲破李罕之罕之召  
晉兵圍河陽全義告急梁方攻魏遣會及葛從周等將  
萬人救之行至河陰謀曰罕之料吾不敢渡九鼎以吾  
兵少而來遠且不虞吾之速至也當出其不意掩擊之  
乃渡九鼎直趨河陽戰于沈水罕之大敗河陽圍解大  
順元年梁軍擊魏會及葛從周破黎陽臨河遂敗羅弘

信于內黃梁攻時溥於徐州遣會別攻宿州刺史張筠  
閉城距守會堰汴水浸其東城城壞筠降朱瑾以兵萬  
餘擊單父會敗之于金鄉李罕之叛晉以潞州降梁會  
自河陽攻下澤州乃以會為昭義軍留後會畏梁太祖  
雄猜常稱疾者累年復起為昭義軍節度使昭宗遇弒  
會與三軍縞素發哀梁攻燕滄州劉守光乞師于晉晉  
人為攻潞州會乃降晉晉王以會歸太原賜以甲第位  
在諸將上莊宗立以為都招討使天祐七年卒贈太師

賀德倫河西人少為滑州牙將梁太祖兼領宣義德倫常從征伐以功累遷平盧軍節度使貞明元年魏州楊師厚卒末帝以魏兵素驕難制乃分相澶衛三州建昭德軍以張筠為節度使魏博貝三州仍為天雄軍以德倫為節度使遣劉鄩以兵六萬渡河聲言攻鎮定王彥章以騎兵五百入魏州屯金波亭以虞變分魏牙兵之半入昭德德倫促牙兵上道親戚相訣別哭聲盈塗効節軍將張彥謀於其衆相與夜攻金波亭彥章走出遲

明魏兵攻牙城執德倫致之樓上縱兵大掠末帝遣供奉官扈異馳至魏諭彥許以刺史彥曰但以六州還魏而詔劉鄩反兵皇帝可以高枕異還言彥狂蹶不足畏宜促鄩擊之末帝使人諭彥以制置已定不可復易使者三返彥怒召羅紹威故吏司空頽曰為我作奏若復依違則渡河虜之耳末帝優詔答之言王鎔死鎮人請降遣鄩以兵定鎮州非有他若魏不便之即召鄩還戒彥勿為朝廷生事彥乃以楊師厚鎮魏州嘗帶招討使

逼德倫論列之末帝不許彥乃迫德倫降晉遣牙將曹延隱奉書莊宗莊宗入魏德倫以彥逼已遣人陰訴於莊宗莊宗斬彥於臨清而後入徙德倫大同軍節度使行至太原監軍張承業留之王檀攻太原德倫麾下多奔檀承業懼德倫為變殺之

閻寶字瓊美鄆州人少為朱瑾牙將瑾走淮南寶降梁為諸軍都虞候從諸將征伐未嘗獨立戰功貞明初拜保義軍節度使賀德倫以魏博降晉晉軍攻下洛磁相

衛移兵圍邢州末帝遣捉生都指揮使張溫救寶溫至  
內黃遇晉軍乃降晉遣溫至城下招寶寶遂降晉拜檢  
校太尉同中書門下平章事領天平軍節度使東南面  
招討使位在諸將上梁晉戰胡柳晉軍敗莊宗欲引兵  
退保臨濮寶曰梁兵勢盛今驟勝而驕急此不可失之  
時也莊宗謝曰微公幾敗吾事乃整軍復戰遂敗梁兵  
十八年晉討張文禮於鎮州以寶為招討使明年三月  
寶戰敗退保趙州慙憤發疽卒贈太師晉天福中追封

太原王

按五代史此下有康延孝傳今改入貳臣

欽定續通志卷二百九十二



欽定四庫全書

欽定續通志卷二百九十三

列傳

五代 十三

張全義

朱友謙

朱漢賓

劉玘

周知裕

陸思鐸

霍彥威

房知溫

王晏球

安重霸

王建立

康福

張全義字國維濮州臨濮之田家子也亡入黃巢賊中

巢陷長安以為吏部尚書水運使巢敗去事諸葛爽於

河陽與死事其子仲方仲方為孫儒所逐全義與李罕

之分據河陽洛陽以附於梁

按通鑑李罕之召全義於澤州與之收合餘衆罕之

據河陽全義據東都共求援於河東李克用以其將安金俊將騎助之表罕之為河陽節度使全義為河南尹蓋取唐書之文是二人方受晉厚恩不應其時便附梁也二人相得甚歡罕之常乏

食仰給全義全義不能給因有隙罕之出兵攻晉絳全

義襲取河陽罕之奔晉召晉兵圍全義甚急梁遣牛存

節等以兵萬人救之晉軍敗解去梁以丁會守河陽全義還為河南尹德梁出已由是盡心焉是時河南遭巢儒兵火後戶不滿百全義披荆棘勸耕殖築南北二城以居之數年人物完盛及梁太祖劫唐昭宗東遷繕理宮闕府廨倉庫皆全義之力全義初名言昭宗賜名全義唐亡事梁又請改名太祖賜名宗與梁與晉戰河北兵數敗亡全義輒蒐卒伍鎧馬月獻之以補其缺太祖兵敗蓐縣道病還洛幸全義會節園避暑留旬日全義

妻女皆迫淫之其子繼祚憤恥不自勝欲刺刃太祖全義止之曰吾為李罕之所圍啖木屑為食惟一馬欲殺以餉軍死在朝夕而梁出之得至今日此恩不可忘也太祖性猜忌嘗有構全義於太祖者召之意且不測全義妻儲氏遽入見厲聲曰宗興種田叟爾守河南三十年開荒斲土捃拾財賦助陛下創業今衰朽無能為而陛下疑之何也太祖笑曰我無惡心姬勿多言全義事梁累拜中書令兼領忠武陝虢鄭滑河陽節度使判六

軍諸衛事天下兵馬副元帥封魏王初全義為罕之所  
敗其弟全武及家屬為晉兵所得晉王給以田宅待之  
甚厚全義常陰遣人通問梁亡莊宗入汴全義自洛來  
朝泥首待罪莊宗勞之曰卿家弟姪幸復相見全義俯  
伏感涕命皇子繼岌皇弟存紀等皆兄事之全義因去  
梁所賜名請復故名猶不自安乃賂劉皇后以自託初  
貞明中末帝幸洛陽將郊不果其儀仗法物猶在全義  
因請幸洛陽曰南郊儀物已具莊宗大悅加拜太師尚

書令明年幸洛陽將郊而禮物不具因改用來年然不  
以前語責全義數幸其第命皇后拜全義為父改封齊  
王初莊宗滅梁欲掘梁太祖墓斲棺戮尸全義以謂梁  
雖讐敵今已屠滅其家足以報怨剖棺之戮非王者以  
大度示天下也莊宗以為然鏟去墓闕而已全義監軍  
嘗得李德裕平泉醒酒石德裕孫延古因託全義復求  
之監軍忿然曰自黃巢亂後洛陽園宅無復能守豈獨  
平泉一石哉全義嘗從巢以為譏已因奏督殺監軍者

其聽訟以先訴者為直民苦之元行欽討趙在禮無功大臣皆言明宗可將莊宗方疑之不欲遣全義力以為言乃從之明宗至魏果反全義以憂卒年七十五諡忠肅子繼祚官至上將軍晉高祖時與張從賓反於河陽當族誅宰相桑維翰以其父珙嘗事全義有恩乞全活之不許止誅繼祚及其妻子而已

朱友謙字德光許州人初名簡以卒隸澠池鎮有罪去為盜久之為陝州軍校節度使王珙與弟珂爭河中戰

敗其牙將李璠與友謙謀共殺珙附於梁梁太祖表璠  
代珙璠立友謙復逐之乃表友謙代璠梁太祖西攻岐  
往來過陝中友謙奉事尤謹請更名齒諸子太祖憐而  
許之太祖即位徙鎮河中累遷中書令封冀王友珪弑  
立加友謙侍中雖受命而心常不平已而友珪召入覲  
友謙不行乃附於晉友珪遣招討使韓勅將康懷英等  
兵五萬擊之晉王出澤潞救之大敗懷英於解縣夜追  
敗之白逕嶺梁兵乃解去末帝即位友謙復臣於梁而



不絕晉也貞明六年友讜遣其子令德襲同州遂節度使程全暉因求讜鎮末帝初不許已而許之制命未至友讜復叛始絕梁而附晉晉封友讜西平王加守太尉以其子令德鎮同州莊宗滅梁入洛友讜來朝賜姓名曰李繼麟賜予鉅萬明年加守太師尚書令賜鐵券徙令德遂州以其弟令錫為忠武軍節度使諸子及將校為刺史者十餘人恩寵無比時宦官伶人用事多求賂於友讜不能給宦官伶人皆怒唐兵伐蜀友讜閱其精

兵命令德將以從軍及郭崇韜見殺伶人景進言兵初出時友謙以為討已閱兵自備又言崇韜所以反以友謙為內應今且謀與存乂為郭氏報冤莊宗疑其事而未發友謙聞之大恐將入朝自明將吏皆勸阻不聽單車入朝景進使人詐為變書告友謙反乃徙友謙義成軍節度使遣朱守殷夜以兵圍其館驅友謙出徽安門外殺之復其姓名詔魏王繼岌殺令德於遂州王思同殺令錫於許州戛魯奇族其家屬於河中魯奇至友謙

妻張氏率其宗族二百餘口見魯奇曰朱氏宗族當死  
願無濫及平人乃別其婢僕以其族百口就刑又取鐵  
券示魯奇曰此皇帝所賜也不知為何言語魯奇亦為  
之慙友譙死其將史武等七人皆坐友譙族誅天下冤  
之

按五代史此下有袁  
象先傳今改入袁臣

朱漢賓字績臣亳州譙人父元禮為梁軍校戰歿於清  
口太祖憐漢賓以為養子鄆州朱瑾募軍中驍勇者點  
雙雁於其頰號雁子都太祖聞之乃更選勇士數百人

號落雁都以漢賓為指揮使人皆稱朱落雁又為天威  
軍使歷磁滑宋亳曹五州刺史安遠軍節度使莊宗滅  
梁罷漢賓為右龍武統軍待之頗薄後因出遊幸其第  
漢賓妻有色而慧因侍左右進酒食奉歌舞莊宗歡甚  
漏再下乃去漢賓自此有寵明宗入立惡之以為右衛  
上將軍安重誨用事漢賓依附之相為婚姻由是復得  
為昭義軍節度使

按薛史漢賓鎮磁後復  
移鎮青州歐史失載

重誨死漢賓

罷為上將軍遂以太子少保致仕漢賓未嘗有戰功而

臨政能守法好施惠人頗愛之清泰二年卒晉高祖時

贈太子少傅諡貞惠

按五代史此下有段  
敬傳今改入貳臣

劉玘汴州雍邱人世為宣武軍牙將梁太祖鎮宣武玘

以軍卒歷遷牙將為襄州都指揮使

按薛史多滑徐  
二州都指揮使山

南節度使王班為亂軍所殺推玘為留後玘偽許之明

日饗士伏甲幕中酒半擒為亂者殺之會梁遣陳暉兵

亦至襄州平以功拜復州刺史徙亳安二州末帝時為

晉州觀察留後凡八年日與晉人交戰莊宗滅梁玘來

卷一百一十三  
朝莊宗勞之祀頓首謝罪遣還鎮遂以為節度使徙鎮  
安遠天成元年復徙武勝卒於道贈侍中

周知裕字好問幽州人為劉仁恭騎將仁恭被幽知裕  
去事守文守文又見殺乃與張萬進立守文子延祚而  
事之守光又殺延祚以其子繼威代之萬進殺繼威與  
知裕俱奔梁梁太祖得知裕喜甚為置歸化軍以知裕  
為指揮使所得晉兵皆以隸知裕梁晉相距河上其擁  
堅陷陣歸化一軍為最然在梁位不過刺史莊宗入汴

知裕欲自殺人止之乃降唐莊宗寵待之以為房州刺

史

按薛史知裕曾為  
伐蜀前鋒騎將

明宗時歷絳潯二州刺史遷宿州

團練使安州留後所居皆有善政安州近淮俗惡病者  
父母有疾置之他室以竹竿繫飲食委之至死不近知  
裕深患之加以教化由是稍革罷為右神武統軍應順  
中卒贈太傅

陸思鐸澶州臨黃人少為宣武軍卒以善射名累遷拱  
辰左廂都指揮使領恩州刺史梁晉相拒河上思鐸鏖

姓名於箭箬以射晉軍中莊宗馬鞍莊宗拔矢見思鐸  
姓名奇之其後滅梁思鐸謁見莊宗出其矢示之思鐸  
伏地請死莊宗慰之拜龍武右廂都指揮使晉高祖時  
為陳蔡二州刺史卒思鐸在陳州有善政臨終戒其子  
曰陳人愛我我死則葬焉遂葬陳州

按五代史此下有  
趙在禮傳今改入

臣叛

霍彥威字子重洺州曲周人少遭兵亂梁將霍存掠得  
之養為子嘗從存戰中矢眇一目後事梁太祖稍遷左



龍驤軍使右監門衛上將軍預誅友珪拜洛州刺史遷  
邠寧節度使劉知俊攻邠州彥威固守踰年每俘獲必  
縱還之知俊不復攻徙鎮義成天平兼北面行營招討  
使與晉軍相持河上屢敗降為陝州留後莊宗滅梁彥  
威來朝莊宗置酒故梁崇元殿酒酣指彥威及段凝袁  
象先等舉酒屬明宗曰此皆前日勅敵今侍吾飲乃卿  
功也彥威等惶恐伏地請死莊宗勞之曰吾與總管戲  
爾卿無畏賜姓名李紹真明年徙鎮武寧趙在禮反彥

威別討趙太於邢州破之還以兵屬明宗明宗軍變從  
馬直軍吏張破敗率衆殺將校縱火焚營譟呼明宗叱  
之曰爾輩皆天子親軍今賊城破在旦夕正立功名取  
富貴之時何返效賊耶軍士對曰城中戍卒思歸天子  
不垂原宥且聞破魏後欲盡坑魏博諸軍某等初無叛  
心直畏死耳今宜與城中合勢擊退諸鎮兵請天子帝  
河南令公帝河北明宗涕泣諭之亂兵呼曰令公不欲  
帝河北則他人有之我輩狼虎豈識尊卑彥威與安重

誨勸明宗許之乃擁兵入城與在禮合置酒大會部兵  
在外者聞明宗反皆潰去彥威獨不入以所將五千人  
營城西北隅不動居二日明宗復出得彥威兵乃之魏  
縣謀還鎮州彥威重誨勸明宗以兵南向莊宗崩彥威  
從明宗入洛陽首率羣臣勸進內外機事皆參決焉徙  
鎮平盧淳於晏者登州人也少舉明經及第遭亂依彥  
威自彥威為偏裨時已從之彥威嘗戰敗脫身走麾下  
兵無從者獨晏徒步以一劍從之彥威高其義所歷方

鎮常辟以自從家事無大小皆決於晏彥威以故少過失天成三年冬卒於鎮明宗方獵近郊青州馳騎奏至涕泣還宮輟朝仍終其月不舉樂贈太師諡忠

房知溫字伯玉武州瑕丘人少以勇力為赤甲都官健後隸魏州馬關軍稍遷親隨指揮使莊宗取魏博得知溫賜姓名曰李紹英以為澶州刺史歷曹貝二州戍瓦橋關明宗自魏反兵南向知溫首馳赴之天成元年拜泰寧軍節度使明年為北面招討使率魏效節九指揮

戍盧臺魏軍自楊師厚時幾為梁患其後張彥逼賀德  
倫降晉皇甫暉劫趙在禮作亂素為不法其戍盧臺也  
軍發之日不給兵甲惟以長竿繫旗幟以表隊伍軍士  
頗自疑惑明年遣烏震代知溫戍知溫意不樂盧臺戍  
軍夾水東西為兩寨震初至與知溫會東寨方博效節  
軍亂噪於門外知溫即乘馬出亂軍擊殺震執轡留知  
溫知溫紿曰騎兵皆在西寨今獨步軍恐無能為乃躍  
馬登舟渡河入西寨以騎軍盡殺亂者明宗下詔凡九

指揮三千餘家數萬口悉驅至漳水上殺之魏驕兵於是而盡明宗知溫起釋不問徙鎮武寧加兼侍中歷鎮天平平盧初明宗為北面招討使知溫為副廢帝時以裨將事知溫甚謹後因杯酒失意及廢帝起鳳翔愍帝出奔知溫東間有窺覷意謂其司馬李冲曰吾有錢數屋養馬數千因時建義功必有成冲曰今天子孱弱上下離心潞王兵威甚盛事未可知冲請懷表西覘之至京師廢帝已入立冲即奉表稱賀還勸知溫入

朝廢帝慰勞甚厚封東平王知溫在鎮厚歛積貲鉅萬  
治第青州南城出入以聲妓游嬉不恤政事天福元年  
卒贈太尉子彥儒獻其父遺貲拜沂州刺史將吏分其  
餘者皆為富家云

王晏球字瑩之洛陽人少為盜所掠汴州富人杜氏得  
之養為子冒其姓梁太祖鎮宣武以選為廳子都指揮  
使即位為右千牛衛將軍友珪立龍驤戍卒反自懷州  
趣京師遣晏球擊敗之河陽遷龍驤第一指揮使末帝

即位遷龍驤四軍都指揮使捉生軍將李霸將千人戍楊劉夜作亂自水門入縱火大譟以長竿縛布沃油仰燒建國門晏球聞亂不俟命率龍驤五百騎擊賊遲明盡殺之以功拜澶州刺史梁晉軍河上以晏球為行營馬步軍都指揮使莊宗入汴晏球以兵追之行至封邱聞末帝已崩即解甲降唐賜姓名曰李紹虔拜齊州防禦使戍瓦橋關明宗兵變自鄴而南遣人招晏球從至洛陽拜歸德軍節度使王都反以晏球為招討使與宣



徽南院使張延朗等討之契丹托紐萬騎來救晏球聞  
托紐等兵且來留延朗屯新樂自逆於望都而契丹從  
他道入定州與都出不意擊延朗軍延朗大敗收餘兵  
會晏球趨曲陽都乘勝追之晏球先至水次方坐胡床  
指麾而都衆奄至晏球與左右十餘人連矢射之都衆  
稍却而後軍亦至晏球立高岡  
冊府元龜  
作嘉山號令諸將皆  
橐弓矢用短兵回顧者斬符彥卿以左軍攻其左高行  
珪以右軍攻其右中軍騎士抱馬項馳入都軍都遂大

敗與托紐入城不敢復出契丹又遣特哩袞

舊作惕隱按遼職官

志惕隱乃契族屬官即宋正職或當時稱其官而非人名

以七千騎益都晏球遇之

唐河追擊至滿城斬首二十級其餘衆奔潰投村落村落之人以鋤耨白梃所在擊殺之無遺特哩袞與數十騎走幽州西為趙德鈞擒送京師晏球攻定州久不克明宗數遣人促之晏球以謂未可急攻偏將朱弘昭張處釗等宣言曰晏球怯耳乃驅兵進果敗由是不敢復言晏球休養士卒食其三州之賦悉以俸祿所入具牛

酒日與諸將高會久之都城中食盡數與托紐謀決圍走不果都將馬讓能以城降都自焚死晏球為將有機略善撫士卒圍定幾一年軍中未嘗戮一人以功拜天平軍節度使又徙平盧累官至兼中書令卒贈太尉安重霸雲州人初與明宗俱事晉王得罪奔梁又奔蜀王建以為親將王衍立宦者王承休用事重霸深自託梁末蜀取李茂貞秦成階三州重霸勸承休求鎮秦州衍以為節度使重霸為其副重霸與承休多取秦州花

未獻衍請衍東遊唐魏王兵伐蜀承休大恐以問重霸  
重霸曰劔門天下險雖精兵不可過然公受國恩聞難  
不可不赴願與公俱西承休以為然整軍將發帳飲城  
外酒罷承休上道重霸立馬前辭曰秦隴不可失願留  
為公守承休業已上道無如之何唐軍已破蜀重霸遂  
以三州降唐明宗以為閬州團練使罷為左衛大將軍  
久之以為匡國軍節度使廢帝時為京兆尹西京留守  
徙鎮大同以病罷歸卒於潞州

王建立遼州榆杜人唐明宗為代州刺史以為虞候將  
莊宗嘗遣女奴之代州祭奠侵擾代人建立捕而笞之  
莊宗怒欲殺之明宗護之以免明宗自魏反曹皇后王  
淑妃皆在常山建立殺其監軍并守兵明宗家屬得無  
患由是益德之即位累拜成德軍節度使檢校太尉同  
中書門下平章事建立與安重誨素不協王都有二志  
數以書通建立約為兄弟重誨知之以為言明宗不欲  
傷建立亟召還京師以為右僕射同中書門下平章事

判三司居歲餘自言不識文字願解三司明宗不許久之稱疾乃出為平盧軍節度使又徙上黨怏怏不得志求解職以太子少保致仕數請朝見不許乃自詣京師闕至後樓見明宗涕泣言已無罪為重誨所擯明宗曰汝為節度使不作好事豈獨重誨譏汝耶賜以茶藥遣之廢帝立復起為天平軍節度使晉高祖時徙鎮平盧天福五年來朝高祖勞之令毋拜賜肩輿入朝給二宦者掖而升殿又徙昭義累封韓王建立好殺人晚節惑

浮圖法戒殺生所至人稍安之卒贈尚書令子守恩性貪鄙以蔭補稍遷諸衛將軍建立己卒家於潞守恩自京師得告歸契丹滅晉昭義節度使張從恩與守恩姻家乃以守恩權巡檢使守潞而從恩入見契丹守恩遂劫其家貲以州降漢漢高祖即位即拜節度使徙鎮靜難西京留守加同中書門下平章事時周太祖以樞密使將白文珂等軍西平三叛還過洛陽守恩以使相自處肩輿出迎太祖怒即以頭子命文珂代守恩為留守

守恩奉朝請於京師隱帝殺史弘肇等召羣臣慰諭守恩前對曰陛下始睡覺矣聞者皆縮頸顯德中為左金吾衛上將軍卒

康福蔚州人世為軍校福事晉王為偏將莊宗令牧馬於相州為小馬坊使逾年馬大蕃滋明宗自魏反兵過相州福以小坊馬二千匹歸命軍勢由是益盛明宗入立拜飛龍使領磁州刺史襄州兵馬都監樞密使安重誨惡之福懼求外任靈武韓洙死弟澄立而偏將李從



賓作亂澄表請朝廷命帥重誨以靈武深入羌境為帥者多遇害乃拜福涼州刺史河西軍節度使福入見涕泣明宗意動欲為福更他鎮而重誨不可乃令將軍牛知柔以兵衛福行至方渠羌果出邀福福以兵擊走之至青岡峽遇雪福登山望見山谷中烟火有吐蕃數千帳不覺福至福分兵三道襲之吐蕃大駭棄車帳走殺之殆盡獲玉璞綾錦羊馬甚衆由是威聲大振福居靈武三歲歲常豐稔有馬千駟蕃夷畏服言事者疑福有

異志重誨亦言福必負朝廷明宗遣人諷之福言受國  
恩深有死無二因乞還朝不許章再上即隨至明宗不  
之罪徙鎮彰義厯靜難雄武充西面都部署晉高祖時  
徙鎮河中代還卒於京師贈太師諡武安

欽定續通志卷二百九十三

欽定四庫全書

欽定續通志卷二百九十四

列傳

五代 十四

郭延魯

華溫琪

萇從簡

張筠

楊彥詢

李周

劉處讓

李承約

張希崇

相里金

張廷蘊

馬全節

皇甫遇

安彥威

李瓊

劉景巖

郭延魯沁州綿上人父饒以驍勇事晉數立軍功為沁  
州刺史九年為政愍愛州人思之延魯以善槩為將累  
遷神武都知兵馬使朱守殷反從攻汴州以先登功為  
汴州馬步軍都指揮使累遷復州刺史延魯思繼父志  
以廉平自勵民甚賴之秩滿州人乞留不許皆遮道攀  
號天福中拜單州刺史卒於官時刺史皆以軍功拜武

夫恃功縱下為害不細延魯父子特以善著焉

華溫琪字德潤宋州下邑人世本農家溫琪身長七尺少從黃巢為盜巢陷長安以為供奉官都知巢敗溫琪走滑州自顧貌偉懼不容乃投白馬河流數十里不死人援而出之又自經於桑林輒枝折乃之胙縣有由父見之曰子狀貌堂堂非常人也匿於家居歲餘濮州刺史朱裕募兵乃往依之後事梁為開道指揮使累功為絳棣二州刺史棣苦河患溫琪徙新州避之民賴其功

又歷齊晉二州莊宗攻晉州踰月不能破末帝嘉其善  
守升晉州為定昌軍以溫琪為節度使坐掠部民妻寵  
為金吾衛大將軍左龍武統軍尋遷耀州觀察留後莊  
宗滅梁見溫琪曰此為梁守平陽者嘉之以耀州為順  
義軍即拜節度使徙鎮雄武明宗時來朝願留闕下以  
為左驍衛上將軍踰年明宗謂樞密使安重誨曰溫琪  
舊人宜與一重鎮重誨意不欲對以無員闕他日又語  
重誨曰可伐者惟樞密使耳明宗曰可重誨不能答溫

琪懼稱疾不出者累月已而以為鎮國軍節度使廢帝時以太子太保致仕天福元年卒贈太子太傅

萇從簡陳州人世本屠羊從簡去事晉為軍校善用槊攻城多為梯頭莊宗愛其勇累遷步軍都指揮使莊宗與梁對陣梁軍有執大旗出入陣間者莊宗望見之嘆曰彼猛士誰能為我取之從簡請往莊宗惜之不許從簡潛率教騎馳入梁軍奪其旗而還嘗中流矢鏃入髀骨命工取之工欲鑿其骨人皆以為不可從簡遽使鑿

之工遲疑不忍下從簡叱其亟鑿左右視者皆若不勝而從簡言笑自若然其為人剛暴難制莊宗每優容之累遷蔡州防禦使明宗時累徙麟汝汾金四州廢帝反鳳翔從簡與諸鎮兵圍之兵潰被執廢帝責其不降對曰事主不敢二心廢帝釋之拜潁州團練使晉高祖起兵太原廢帝將親征召為招討副使從至河陽拜河陽三城節度使廢帝還洛陽從簡即降晉歷鎮忠武武寧入為左金吾衛上將軍卒贈太師從簡好食人肉所至



潛捕民間小兒以食許州富人王帶欲之而不可得  
遣二卒夜入其家殺而取之卒夜踰垣隱木間見其夫  
婦相待如賓歎曰吾公欲奪其實而害斯人吾必不免  
因躍出告之使速以帶獻遂踰垣去不知所之

張筠海州人事時溥為宿州刺史梁太祖取宿州得筠  
以為四鎮客將長直軍使累拜宣徽使末帝分建昭德  
軍以筠為節度使由是魏博軍叛附於晉晉王攻相州  
筠棄城走後以為永平軍節度使梁亡事唐為京兆尹

伐蜀為劍南兩川安撫使蜀平拜河南尹徙鎮興元嘗  
有疾不見將吏副使符彥琳入問筠又辭彥琳疑筠已  
死即請出牌印筠怒命左右收彥琳下獄以反聞明宗  
知而釋之陽徙筠為西京留守戒守者不內筠至長安  
不得入乃朝京師以為左驍衛上將軍筠弟錢當筠尹  
京兆以為牙內指揮使三白渠營田制置使筠西伐蜀  
留錢守京兆魏王繼岌班師至興平錢斷咸陽浮橋以  
拒繼岌繼岌乃自殺初筠代康懷英鎮永平懷英死筠

掠其家貲又於唐故宮掘得金玉偏將侯莫陳威嘗與  
溫韜發唐諸陵分得寶貲筠以事殺而取之繼岌死錢  
悉取其行橐莊宗遣宦者向延嗣殺王衍延嗣因盡得  
其珍寶明宗即位捕誅宦者延嗣亡命錢又盡取其貲  
由是兄弟富皆鉅萬然筠為人好施予所至不為聚歛  
而錢嗜酒食鄙歷沂密二州刺史晉出帝時以將軍市  
馬於回鶻坐馬不中式有司理其直錢鬱鬱而卒筠居  
洛陽擁貲以酒色聲妓自娛天福二年徙居長安是歲

張從賓作亂入洛陽筠遂以免卒贈太子少師

楊彥詢字成章河中寶鼎人少事王師範掌藏書頗見親信師範降梁見殺彥詢乃之魏事楊師厚為客將魏博入於晉因留事莊宗為引進副使奉使吳蜀常稱旨歷德州刺史羽林將軍晉高祖鎮太原廢帝疑其有貳志擇諸將謹厚者佐之乃以彥詢為太原節度刺史高祖以疑見徙欲拒命以問彥詢彥詢曰太原之力能與唐敵否公其審之高祖反意已決彥詢亦不復敢言左

右以其異議欲殺之高祖止之契丹立高祖於太原以

兵送至河上彥詢為宣徽使

按薛史高祖即位授齊州防禦使檢校太保歐史不

載教往來帳中德光亦愛其為人明年拜威德軍節度

使復入為宣徽使又拜安國軍節度使天福七年徙鎮

鎮國歲大饑為政有惠愛以病風罷為右金吾衛上將

軍卒贈太子太師

李周字通理邢州內丘人唐昭義軍節度使抱真之後

年十六為內邱捕賊將以勇聞時梁晉兵爭山東羣盜

充斥行者必以兵衛周鄉人盧岳徙家太原周送之至西山有盜從林中射岳中馬周大呼曰吾在此孰敢爾邪盜聞其聲曰李周也因去周送岳至太原岳知星且工相人占晉必有天下而周且將相勸其留事晉周以母老辭歸而梁方攻下邢洺晉王柵兵青山口路梗不知所歸乃思岳言至青山歸晉晉王以為萬勝黃頭軍使後從征伐常有功從戰柏鄉先登遷匡霸指揮使守楊劉梁兵來攻堅守久之聞母喪奔歸莊宗遣他將代

周守幾為梁兵所破遽追周還守之其後梁人已破德勝因復東擊楊劉以巨艦絕河斷晉餉援周遣人馳趣莊宗來救請日行百里以赴急莊宗笑曰周為我守何憂日行六十里且行且獵比至周已絕糧三日莊宗以巨棧積薪沃油順流縱火焚梁艦梁兵解去莊宗見周勞曰微公諸將為梁擒矣歷相蔡二州刺史明宗時拜武信軍節度使徙鎮靜難歷武寧安遠永興宣武四鎮所至多善政晉高祖時復鎮靜難罷還出帝幸澶淵以

周留守東京還拜開封尹卒贈太師

劉處讓字德謙滄州人少為張萬進親吏從入梁為其  
秦寧軍牙將萬進叛梁附晉梁遣劉鄩討之遣處讓求  
救於晉晉方與梁相拒未能出兵處讓於軍門截耳而  
訴曰萬進所以見圍附晉故也奈何不顧其急苟不出  
兵請死晉王義之為發兵未渡河而萬進為梁所敗處  
讓因留事晉莊宗即位為客省使常使四方多稱旨天  
成中累遷左驍衛大將軍廢帝時魏州軍亂遣范延光



招討以處讓為河北都轉運使晉高祖立歷宣徽南院使范延光反命楊光遠為招討使以處讓參其軍事已而副招討使張從賓叛於河陽處讓分兵擊破之還與光遠攻鄴逾年不能下處讓入城譬以禍福延光乃降唐制樞密使常以宦者為之自梁用敬翔李振唐莊宗始用武臣權重將相高祖時以宰相桑維翰李崧兼樞密使處讓與諸宦者心不平之光遠之討延光也以重兵在握舉動多驕恣所求請高祖頗裁抑之處讓為光

遠言此非上意皆維翰崧等嫉公光遠大怒兵還見高祖訴以維翰等沮已高祖不得已罷維翰等以處讓為樞密使處讓在職所陳述多不稱旨後丁母憂去高祖遂不復拜樞密使居喪期年起復為彰德軍節度使右金吾衛上將軍卒贈太師

李承約字德儉薊州人少事劉仁恭為山後八軍巡檢使仁恭被囚承約以其兵奔晉晉王以為匡霸指揮使從破夾寨戰臨清以功累遷沼汾二州刺史潁州團練

使天成中邠州節度使毛璋有異志拜承約涇州節度副使往伺璋動靜承約諭以禍福後朝廷遣人代璋璋即時受代明宗大喜即拜承約黔南節度使承約以思信撫諸夷落勸民農桑興學校居數年當代黔南人詣京師乞留為許留一年召為左衛上將軍改左龍武統軍拜昭義軍節度使復為左龍武統軍天福二年遷左衛衛上將軍卒贈太子太師

張希崇字德峯幽州薊人少通左氏春秋劉守光不喜

儒士希崇因事軍中為偏將將兵戍平州契丹入平州  
得希崇知其儒者以為盧龍軍行軍司馬明宗時盧文  
進自平州亡歸契丹因以希崇代為節度使遣親將以  
三百騎監之居歲餘監兵稍怠希崇因率其麾下生口  
二萬南歸明宗嘉之拜汝州防禦使遷靈武節度使靈  
州地接蕃戍兵餉道常苦抄掠希崇乃開屯田教士耕  
種軍以足食而省轉饋招輯夷落自回鶻瓜沙皆遣使  
入貢明宗下詔褒美居四歲上書求還內地徙鎮邠寧

晉高祖入立復拜靈武節度使希崇事母至孝朝夕立侍食必徹饌乃敢退為將不喜聲色好讀書頗知星天福三年月掩畢口大星希崇嘆曰畢口大星邊將也我其當之乎明年正月卒贈太師

相里金字奉金

按朱彞尊集載相里金墓碑跋云金字國寶與史不同碑乃當時撰述似為可

據

并州人事晉為五院軍隊長從戰栢鄉胡柳皆有功遷黃甲指揮使同光中拜忻州刺史時諸州皆用武人多以部曲主場務漁蠹公私以利自入金獨禁部曲不多

與事厚其給養使掌家事而已遷隴州防禦使廢帝起鳳翔馳檄四鄰未有應者獨金首遣判官薛文遇來廢帝德之即位拜保義軍節度使晉高祖入立徙鎮建雄罷為上將軍天福五年卒贈太師

按碑作贈太子太師

張廷蘊字德樞

從薛史增

開封襄邑人少為宣武軍卒去事

晉為軍校嘗從力戰先登莊宗壯之以為帳前黃甲二十指揮步軍都虞候魏博三城巡檢使莊宗在魏劉皇后從多縱其下擾人無敢言者廷蘊輒收斬之李繼韜

叛莊宗遣明宗為招討使元行欽為都部署廷蘊為馬  
步軍都指揮使將兵為前鋒廷蘊至潞日已暮即率兵  
百餘踰濠登城遂破潞州明旦明宗與行欽始至明宗  
心頗嫌之廷蘊以功累遷申懷沂三州刺史金頴隴絳  
四州防禦團練使左監門衛上將軍開運中卒廷蘊武  
人所識不過數字而平生重文士嘗從明宗破鄆州獲  
判官趙鳳以其儒人亟薦於明宗後鳳為相數薦廷蘊  
於安重誨重誨屢言之明宗以破潞之隙銜之故終不

東旄節廷蘊素廉歷七州卒之日家無餘貲

馬全節字大雅大名元城人唐同光中為捉生指揮使  
天成中歷博單郢沂四州刺史金州防禦使廢帝時蜀  
人攻金州州兵纔數百全節散家財與士卒堅守城卒  
以全廢帝召以為滄州留後晉高祖入立即拜橫海軍  
節度使徙鎮安遠代李金全金全叛附於李昇使全節  
與安審暉討之金全南奔全節與昇守將李承裕戰安  
州大敗之承裕走審暉追至雲夢執之將獻於京師承



裕謂全節曰吾城中所掠百萬計將軍皆取之矣吾見天子必訴此而後就刑全節懼因殺承裕高祖置不問徙全節昭義安國義武諸鎮自出帝與契丹交惡全節未嘗不在兵間開運元年為行營都虞候契丹與晉軍相拒澶魏間全節別攻白團城破之克泰州降其守將晉廷謙四月契丹敗於戚城引兵分道而北全節敗之於定豐執其將安暉七月徙廣晉尹留守鄴都十月杜重威為招討使以全節為副大敗契丹於衛村二年徙

鎮順國未至而卒贈中書令全節為人謙謹事母至孝其臨政決事必問法何如初徙廣晉過元城衣白襴謁其縣令州里以為榮

皇甫遇常山真定人事唐明宗為武勝軍節度使所至苛暴誅飲晉高祖時歷義武昭義建雄河陽四鎮罷為神武統軍契丹入貝州出帝以高行周為北面行營都部署遇為馬軍右廂排陣使會青州楊光遠反乃遣遇及李守貞分兵守鄆州兵至馬家渡而契丹方欲渡河

助光遠遇等擊敗之以功拜義成軍節度使馬軍都指揮使開運二年契丹侵西山遣先鋒趙延壽圍鎮州杜重威不敢出戰延壽分兵大掠攻破樂城柏鄉等九縣南至邢州出帝遣北面行營都監張從恩會馬全節安審琦及遇等禦之從恩等至相州陳安陽河南遣遇與慕容彥超率數千騎前視敵渡漳河逢契丹兵數萬轉戰十餘里至榆林契丹圍之遇馬中箭而踣得僕杜知敏馬乘之以戰知敏為契丹所擒遇謂彥超曰知敏義

士也豈可失之即與彥超躍馬入取之而還戰自午至未解而復合契丹益出生兵勢甚盛遇戒彥超曰今日之勢戰與走爾戰尚或生走則死也當死戰報國張從恩與諸將怪遇無報皆謂遇已陷矣已而有馳騎報遇被圍審琦將赴之從恩疑報者詐不欲往審琦曰吾屬失皇甫遇復何面目見天子即引騎渡河諸將皆從而北距十餘里契丹望見救兵來即解而北去遇與審琦等收軍而南時契丹兵已深入人馬俱乏其還也諸將

不能追從恩因率遇等退保黎陽三年冬以重威為都  
招討使遇為馬軍右廂都指揮使屯於中渡重威已陰  
送款契丹伏兵幕中悉召諸將列坐告以降皆愕不能  
對重威出降表遇等俛首以次自書其名即麾兵解甲  
出降契丹遭遇與張彥澤先入京師遇行至平棘絕吭  
而死

安彥威字國俊代州崞縣人少隸唐明宗麾下明宗鎮  
天平宣武成德常以為牙將以謹厚見信及即位累遷

捧聖指揮使領寧國軍節度使晉高祖入立拜彥威北  
京留守徙鎮歸德河決滑州命彥威塞之彥威出私錢  
募民治隄遷西京留守歲大飢加意賑撫飢民有犯法  
者寬貸之以是不忍流去丁母憂哀毀過制出帝與契  
丹隳盟拜彥威北面行營副都統悉以家財佐軍用以  
疾卒於京師彥威與安太妃同宗出帝事以為舅彥威  
未嘗言及卒太妃臨哭人始知之當時益稱其慎重

李瓊字隱光

從薛史增

滄州饒安人少為騎將與晉高祖俱

隸唐明宗麾下同光二年契丹入邊明宗出涿州與戰  
不勝諸將各引去晉高祖獨戰不已契丹漸圍之瓊引  
高祖衣與俱遯至劉李河追兵且及瓊浮水先至南岸  
高祖至河中流馬踣瓊以長矛援出之又以所乘馬與  
高祖而步護之乃得免明宗兵南嚮瓊從高祖以三百  
騎先趨汴州高祖為保義軍節度使以為牙隊指揮使  
高祖建國以為護聖都虞候久之拜相申二州刺史出  
帝時為棣州刺史楊光遠反以書招瓊瓊不納遷洺州

團練使又為護聖右廂都指揮使契丹入京師以瓊為  
威州刺史行至鄭州遇盜見殺

劉景巖延州人家素封以貨游豪俊間事高萬金為部

曲後為丹州刺史

通鑑作坊州

晉高祖起太原唐廢帝調民

七戶出一卒為義兵延州節度使楊漢章發民赴京師

將行景巖遣人激怒之義兵亂殺漢章迎景巖為留後

晉高祖即位即拜節度使景巖從事熊皦多智陰察景

巖跋扈難制欲以利愚之因言邊地不可久安邠涇多



善田利百倍宜多市田射利自厚景巖信之歲餘獲甚多景巖使噉朝京師噉乃言景巖不宜在邊乃移景巖邠州噉入拜補闕而景巖又徙鎮保義居未幾又徙武勝景巖乃悟噉為賣已誣奏噉隱已玉帶噉坐貶開運三年景巖以太子太師致仕契丹入京師以周密鎮延州州人逐密立高允權允權妻劉氏景巖孫女也景巖良田甲第僮僕甚盛黨項司家族畜牧近郊允富強景巖私與往來允權頗患之允權妻歲時歸省景巖謂曰

高郎一縣令而有此州其可保乎允權竟惡之又利其  
田宅乃誣其反而殺之

欽定續通志卷二百九十四

欽定四庫全書

欽定續通志卷二百九十五

列傳

五代

十五

盧文進

李金全

楊思權

尹暉

劉審交

王周

高行周

白再榮

安叔千

翟光鄴

馮暉

唐景思

王進

常思

孫方諫

劉詞

王環

折從阮

婁繼英

慕容彥超

盧文進字大用范陽人為劉守光騎將降唐拜壽州刺史莊宗以屬其弟存矩存矩為新州團練使統山後八軍莊宗與劉鄆相距于草名存矩兵存矩募山後勁兵數千人課民出馬民以十牛易一馬皆怨而兵又不樂南行行至祁溝關聚謀亂文進有女幼而美存矩求為

側室以其大將不敢拒心常憚之因與亂軍殺存矩

薛接

史軍士聚亂文進撫膺慟哭曰奴輩累我遂為亂軍所  
擁乃攻新州據此似文進初不欲為亂者通鑑亦採其  
說

反攻新州不克攻武州又不克遂奔于契丹契丹使

守平州明宗即位文進率衆數萬歸唐以為義成軍節

度使居歲餘徙鎮威勝加同平章事入為上將軍又鎮

昭義安遠晉高祖立與契丹約為父子文進懼不自安

天福元年冬殺其行軍司馬馮知兆副使杜重貴送款

於李昇昇遣兵迎之文進居鎮有善政兵民愛之將行

從數騎馳至營中別其將士告以避契丹之意將士皆

再拜為訣乃南奔昇以為天威統軍宣潤節度使後以

左衛上將軍

兼金陵志文遜自潤州召還燕中書令封范陽郡王奉朝請

卒于金陵

李金全其先出於吐渾金全少為唐明宗廝養從戰有

功由刺史拜彰武軍節度使在鎮貪暴罷歸獻馬數十

匹居數日又以獻明宗謂曰卿患馬多耶卿在涇治狀

如何無乃以馬為事乎金全慙不能對徙鎮橫海久之

罷為右衛上將軍晉高祖時安州屯防指揮使王暉殺

節度使周瓌高祖遣金全將騎兵千人以詔書招暉許  
以刺史又以信箭諭安州不戮一人且戒金全曰無失  
吾信已而暉南走為襄州安從進所遮殺金全後至得  
暉黨數百人皆送京師金全利暉所掠貨因殺其將武  
克和等十餘人高祖不能詰即以金全為安遠軍節度  
使金全左都押衙胡漢榮用事

薛史作漢鈞  
避周諱也

所為不法

高祖不欲因漢榮以累功臣為選賈仁沼代之且召漢  
榮漢榮教金全留已金全客麗令圖諫曰仁沼昔事王

晏球晏球攻中山王都遣善射者登城射晏球中兜牟  
仁沼從後引弓射善射者一發而斃晏球求其人賞之  
仁沼不言此天下忠臣也都敗晏球遣仁沼獻捷京師  
賜與甚厚悉分故人親戚貧者此天下廉士也宜納仁  
沼而遣漢榮漢榮聞之夜使人殺令圖而酖仁沼仁沼  
舌壞而死天福五年高祖以馬全節代金全仁沼二子  
欲詣京師訴父冤漢榮大懼給金全曰前日天子召漢  
榮公不遣仁沼之死其二子將訴于朝今以全節代公



是召公對獄也金全信之遂叛送歟於李昇昇以為天  
威統軍漢隱帝時李守貞反河中乞兵于昇金全為昇  
潤州節度使與查文徽等出沭陽昇諸將皆銳于攻取  
金全獨以為遠不相及不可行乃止其後亦不復用不  
知所終

楊思權邠州新平人事梁為控鶴軍使唐莊宗滅梁以  
為夾馬都指揮使明宗時秦王從榮鎮河東以馮贇為  
副思權為北京步軍都指揮使以佐佑之從榮素驕所

為多不法是時愍帝為宋王尹河南謙恭好禮明宗陰遣人從容語宋王之善以諷勉之從榮不悅告思權曰天下共賢河南而非我我將廢矣奈何思權曰公有甲士而思權在何患勸從榮招募死士增利器械以為備馮贇患之以聞乃召思權還以從榮故不之責後為右羽林都指揮使將兵戍興元潞王從珂反張虔釗會諸鎮兵衛鳳翔思權攻城西嚴衛指揮使尹暉攻城東破其兩關城從珂登城呼外兵告以已非反者語甚悲外

兵聞者皆哀之而虔釗督戰甚急軍士反兵逐虔釗思  
權因呼其衆曰潞王真吾主也即擁軍入城降暉聞思  
權已降亦麾其軍使解甲由是諸鎮兵皆潰思權入見  
曰臣以赤心奉殿下事成願不以防禦圍練使處臣乃  
出一紙于懷中請志姓名以為驗從珂即書曰可弼寧  
節度使及入立即拜思權靜難軍節度使後為右龍武  
統軍左衛上將軍天福八年卒贈太傅

尹暉者魏州大名人

按薛史暉少以勇健事楊師厚為  
軍士唐莊宗擢為小校從征河上

累擢諸軍指揮使領數郡刺史皆暉  
為嚴衛指揮使以前事敗史失載

從廢帝入洛陽而

晉高祖來朝相遇于道暉時為嚴衛指揮使恃先降功

不為屈馬上橫鞭揖之高祖怒白廢帝不可與名藩乃

以為應州節度使高祖入立罷為右衛大將軍范延光

反以書招暉暉出奔淮南為人殺于道

按五代史此下有王弘贇傳今

改入

逆臣

劉審交字求益幽州文安人為唐興令補范陽牙校劉  
守光僭號以為兵部尚書守光敗歸唐莊宗以為從事

屢為轉運供軍使拜遼州刺史改慈州以母老去官母  
喪哀毀過禮不調累年晉高祖分戶部度支鹽鐵為三  
使歲餘三司益煩弊乃復合為一拜審交三司使議者  
請檢天下民田宜得益租審交曰租有定額而天下比  
年無閒田民之苦樂不可等也遂止不檢民賴以不擾  
遷右衛上將軍陳州防禦使出視民田見耕器薄陋乃  
取河北耕器為範更鑄之後徙襄州青州皆有善政罷  
還契丹入京師留蕭翰而去翰復以審交為三司使王

淑妃與羣臣謀迎漢高祖或以為燕兵在京師者猶數千可城守審交進曰余燕人也今為燕守城當為燕謀然事勢不可為也乃遣人西迎高祖高祖至罷審交不用隱帝時為汝州防禦使有能名乾祐三年卒州人聚哭柩前上疏乞留葬近郊使民得歲時祠祭詔許之贈太尉

王周魏州人事唐莊宗明宗為裨校以戰功拜刺史晉天福中從楊光遠討魏州又從杜重威討鎮州皆有功

歷貝州涇州節度使涇州張彥澤苛虐民多流亡周乃  
更為寬恕問民疾苦去其苛弊二十餘事民皆復歸歷  
遷武勝保義義武成德四鎮皆有善政定州橋壞覆民  
租車周曰橋梁不修刺史過也乃賞民粟為治其橋杜  
重威降契丹契丹兵過鎮州臨城呼周使出降周泣曰  
受晉厚恩不能死戰而以城降何面目南行見人主與  
士大夫乎求刀欲自殺家人止之迫以出降契丹以為  
武勝軍節度使漢高祖入立徙鎮武寧卒贈中書令

高行周字尚質媯州人

薛史作幽州

世為懷戎戍將父思繼

兄弟以武勇雄于北邊為幽州李匡威戍將匡威為其弟匡儔所篡晉王將討其亂患思繼兄弟遣人至孔嶺關招之燕俗重氣義思繼等聞晉為匡威報讐欣然從之為晉兵前鋒匡儔聞思繼兄弟皆叛乃棄城走克用以劉仁恭守幽州思繼兄弟為諸軍都指揮使分掌燕兵克用臨訣屬仁恭善防之留晉兵千人為仁恭衛兵多犯法思繼等數誅殺之克用以責仁恭仁恭以高氏



為訴由是晉盡誅思繼兄弟仁恭以其兄之子行珪為  
牙將而思繼子行周年十餘歲亦收之帳下稍長補以  
軍職仁恭被囚守光立以行珪為武州刺史其後守光  
背晉晉攻之守光將元行欽牧馬山後聞守光且見圍  
即率所牧馬赴援而麾下兵叛推行欽為留後行欽素  
憚行珪乃遣人之懷戎繫其子而招行珪曰守光可取  
而代也當從我行不然且殺公子行珪謝曰與君俱劉  
公將而忍叛之吾當為劉氏也尚何顧吾子耶行欽即

以兵圍行珪

按通鑑考異云唐莊宗實錄薛史紀及元行欽傳皆云行欽聞行珪降晉帥兵攻之

惟周太祖實錄及本傳云行欽稱留後行珪城守不從行周卒時去燕亡及行欽之死已久行周名位尊顯門生故吏虛美其兄弟故與諸說特異也

月餘城中食盡行珪告州人曰吾

非不為父老守也今劉公救兵不至奈何可殺吾降晉

父老皆泣願死守時行周適從行珪在武州即夜縋出

城馳見莊宗莊宗遣明宗教之比至行欽已解去行珪

乃降晉莊宗時歷朔忻嵐三州刺史大同軍節度使明

宗入立徙鎮威勝安遠行珪性貪鄙所為多不法副使

范延策數規諫行珪銜之戍兵有謀叛者行珪先覺之  
潛徙庫兵于他所戍兵叛趨庫劫兵無所得乃潰去行  
珪追而殺之因誣奏延策同反并其子皆見殺天下冤  
之行珪卒于鎮贈太尉當行珪之降晉也行周隸明宗  
帳下為裨將梁晉軍河上莊宗遣明宗東襲鄆州行周  
將前軍夜遇雨軍中皆不欲進行周曰此天贊我也鄆  
人恃雨不備宜出其不意擊之即夜馳涉濟入其城鄆  
人方覺遂取之莊宗滅梁以功領端州刺史遷絳州明

宗時從平朱守殷克王都遷潁州團練使鎮武軍節度使歷鎮彰武昭義晉高祖時為西京留守徙鎮天雄以襄州行營都部署討安從進平之徙鎮歸德出帝時代景延廣為侍衛親軍都指揮使李彥韜馮玉等用事乃求歸鎮許王從益召行周以拒漢高祖行周嘆曰衰世難輔况兒戲乎乃不從漢高祖入立加守中書令徙鎮天平封臨清王周太祖時封齊王卒贈尚書令追封秦王

白再榮不知其世家

薛史云本舊部人

少為軍卒唐晉間為護

聖指揮使從契丹北行至鎮州契丹留滿達勒守鎮州

而去晉人從者多留焉居未幾李筠

通鑑作李榮此作筠亦舊史避周諱

何福進等謀逐滿達勒使人召再榮共攻之滿達勒走

諸將推再榮為留後時李崧和凝等皆在鎮再榮以兵

環其居迫而求物又欲害崧李穀謂曰公等親被契丹

之苦憂死不暇然逐滿達勒者乃衆人所為非獨公力

也今纔得生路而遽殺宰相他日天子問宰相何在何

以對之再榮默然乃止而悉拘嘗事滿達勒者取其財  
鎮人謂之白滿達勒漢高祖即位拜再榮為留後遷義  
成軍節度使罷還周太祖以兵入京師軍士攻再榮第  
悉取其財已而前啟曰士卒嘗事公隸麾下一旦無禮  
如此亦復何面見公乃斬之携其首去家人以帛贖而  
葬之

安叔十字盾宗沙陀三部落人少事唐莊宗為奉安指  
揮使明宗時與討王都拜秦州刺史以從擊契丹功遷

昭武軍節度使歷靜難橫海安國建雄四鎮晉出帝時  
為左金吾衛上將軍契丹入京師晉百官迎見德光于  
赤岡叔千出班作契丹言德光勞曰汝在邢州已通誠  
款吾今至此當與汝一喫飯處叔千再拜乃以為鎮國  
軍節度使漢高祖入立罷歸自以嘗私附契丹頗懷媿  
惧以太子太師致仕周太祖兵入京師軍士大掠叔千  
家貲已盡而軍士意其猶有所藏箠掠不已傷重歸于  
洛陽卒

翟光鄴字化基濮州鄆城人父景珂當梁晉相距河上  
景珂率聚邑人守永定驛晉人攻之踰年不能下景珂  
卒戰死光鄴時年十歲為晉兵所掠明宗愛之事唐官

至耀州團練使

薛史明宗深加委遇安重誨之罷光  
鄴與中官孟小僧有力焉改史失載晉

高祖時歷棣沂二州刺史西京副留守出帝已破楊光  
遠以光鄴為青州防禦使契丹滅晉遣光鄴知曹州許  
王從益入汴以為樞密使漢高祖入京師累遷至左金  
吾大將軍充街使周太祖入立為樞密副使出知永興



軍卒于官光鄴事繼母以孝聞雖貴常假官舍以居雍睦親族與均有無其政務以寬靜休息為意既卒州人上書乞留葬立祠不許

馮暉魏州人為效節軍卒以功遷隊長唐莊宗入魏暉以隊長亡入梁軍王彥章以其驍勇隸之麾下梁亡莊宗赦不問從明宗討楊立魏王繼岌平蜀累遷夔興二州刺史東川董璋反暉從晉高祖討璋軍至劍門不得入暉從它道出其左擊蜀守兵殆盡會晉高祖班師拜

澶州刺史天福中范延光反魏州遣暉襲滑州不克遂  
入于魏為延光守已而出降拜義成軍節度使徙鎮靈  
武靈武自唐明宗以後市馬糴粟招降給軍歲用度支  
錢六千萬關西轉輸供給民不堪役青岡土橋之間氏  
羌剽掠行旅必以兵暉始至則推以恩信部族懷惠止  
息侵奪然後廣屯田以省轉餉治庫倉亭館十餘區多  
出俸錢民不加賦管內大治黨項拓拔彥超最大族他  
族視為去就暉至彥超來謁遂留之為起第城中賜予

豐厚彥超既留諸部族爭以羊馬為市易昔年有馬五千匹晉見暉馬多而得夷心反以為患徙鎮靜難保義名為侍衛步軍都指揮使暉于是始覺晉有患已意乃深結馮玉等因得復鎮靈武時王令溫鎮靈武失夷落心大為邊患暉請自募兵衛得千餘人行至梅戍蕃夷稍稍來謁暉顧首領一人指其佩劍曰此板橋王氏劍邪吾聞王氏劍天下利器也俯而取諸腰間若將翫之因擊殺首領并其從騎十餘人時去靈武尚五六百里

諸族皆以兵阨道路暉以言譬喻之獨所殺首領一族  
求戰即與戰而敗之諸族遂不敢動暉至鎮撫綏邊部  
凡十餘年思信大著官至中書令封陳留王廣順三年  
卒追封衛王

接五代史此下有皇  
甫暉傳今改入叛臣

唐景思秦州人少以屠狗為生去為軍卒為蜀指揮使  
守固鎮唐魏王繼岌兵至以城降拜興州刺史入晉為  
貝州行軍司馬契丹入貝州景思為趙延壽所得以為  
壕砦使及滅晉以為亳州防禦使漢高祖時為鄧州行

軍司馬後為汧淮巡檢漢法酷而史弘肇用事喜以告  
訐殺人景思奴嘗有求不得即告變誣景思與李景交  
通而私畜兵甲弘肇遣吏將三十騎往收之奴謂吏曰  
景思勇者也得則殺之不然將失之吏至景思迎前以  
兩手抱吏呼冤請詣獄自理吏引奴與景思驗景思請  
吏索其家但有錢十千為受外賂有甲一屬為私畜兵  
吏索之惟一衣笥軍籍糧簿而已吏憫而寬之景思請  
械送京師以自明景思有僕王知權在京師聞景思被

告乃見弘肇請先下獄明景思不反景思既械就道頴  
毫之人隨至京師其明之弘肇乃鞠其奴具伏即奏斬  
奴而釋景思後從世宗戰高平為效順指揮使復戍淮  
上周師伐淮南以功領饒州刺史遷亳州行刺史兵攻  
濠州以傷重卒贈武清軍節度使

王進幽州良鄉人勇悍走及奔馬少聚徒為盜鄉里患  
之符彥超遣人以賂招置麾下彥超鎮安遠軍中有變  
遣進馳奏京師明宗怪其來速嘉其足力以隸寧衛指

揮漢高祖為侍衛親軍指揮使以進為軍校高祖鎮河東因以之從每有急必遣進往返京師不過五六日累遷奉國軍都指揮使從周太祖起魏歷官至彰德軍節度使顯德初卒贈太師

常思字克恭太原人初為卒歷唐晉為六軍都虞候漢高祖鎮河東以為牢城指揮使即位領武勝軍節度使徙鎮昭義思起軍卒未嘗有戰功徒以幸會漢興遂秉旄節在潞五年以聚斂為事初思微時周太祖方少孤

無依衣食思家以思為叔太祖已即位待之如家人禮  
廣順三年徙鎮歸德居三年來朝又徙平盧思因啓曰  
臣居宋宋民負臣絲息十萬兩願以券上進世宗領之  
按歐史原文作太祖領之誤今據薛史改正 即焚其券詔宋州悉蠲除之居  
青州踰年得疾歸洛陽卒贈中書令

孫方諫鄭州清苑人初定州西北有狼山堡定人常保  
避契丹有尼深意居其中以佛法誘民民多歸之尼姓  
孫氏方諫自以為尼族尼死繼行其法堡人推以為主



晉出帝時軍府惡方諫聚徒山中恐為邊患表為遊奕

使

按通鑑載契丹來侵方諫帥衆邀擊民人依之者甚衆朝廷資其衆應署為東北招牧指揮使又按宋史

孫行友傳方諫歸朝署為東北面招牧指揮使每契丹軍來必率其徒襲擊之易定帥聞于朝因以方諫為邊界遊奕使行友副之契丹頗畏焉與此所載互異方諫因有所求不得乃北通

契丹及滅晉以為義武軍節度使已而徙之雲中方諫不受命率其徒復入狼山漢高祖起契丹焚定州虜其民北去方諫自狼山入據之以歸漢高祖嘉之即拜義

武軍節度使周太祖時徙鎮國以其弟行友

按宋史孫行友傳云

行交兄子方諫此以行為定州留後世宗攻太原方諫

友為方諫弟與宋史異

朝于行在從還京至洛陽卒贈太師

按五代史此下有王峻王殷傳改入

臣逆

劉詞字好謙大名元城人少事楊師厚魏博入于晉從莊宗戰夾河以功累遷長劍指揮使坐事左遷汝州十餘年廢帝時詔諸州鎮選驍勇者充禁軍詞得選為禁軍校從破張從賓楊光遠又從馬全節破安州杜重威破鎮州皆有功累拜沁州刺史晉軍討安從進為襄州行

營都虞候以功遷沁州團練使徙房州歲餘為政不苛  
撓人頗便之詞暇常被甲枕戈而卧謂人曰我以此取  
富貴豈可一日忘之且人情易習若惰其筋力有事何  
以報國漢高祖時復為奉國右廂都指揮使漢討李守  
貞詞以侍衛步軍都指揮使領寧江軍節度使為行營  
都虞候以功拜鎮國軍節度使周太祖入立加同中書  
門下平章事歷鎮安國河陽三城世宗戰高平樊愛能  
等軍敗南走遇詞止之詞輒趣兵以進世宗嘉之以為

隨駕都部署班師以為河東行營副都部署徙鎮永興  
明年卒贈侍中諡忠惠

王環鎮州真定人初為孟知祥御者知祥僭號于蜀使  
典衛兵晉開運之亂秦鳳階成入于蜀孟昶以環為鳳  
州節度使周顯德二年遣王景向訓攻秦鳳數為環所  
敗大臣皆請罷兵世宗決意攻之周兵糧道頗艱昶遣  
兵五千出堂倉抵黃花谷以爭糧道景訓度其來命排  
陣使張建雄以兵二千當谷口別遣裨將以勁兵千人

伏堂倉以待其歸蜀兵前遇建雄戰不勝退走堂倉伏  
發盡殪之由是諸城堡之兵悉潰初昶遣其秦州節度  
使高處儔以兵援環未至聞堂倉兵敗亦潰歸處儔判  
官趙玘拒處儔而以城來降于是成階二州亦相繼降  
獨環堅守百餘日然後克之世宗召見環嘆曰吾數以  
書招環不答至力屈就擒雖不能死亦忠其所事也用  
之可勸事君者拜右驍衛將軍時周師已征淮即以環  
佐侯章為攻取賊城水砦副部署初周師南征李景陳

兵于淮舟楫甚盛周師患無水戰之具乃置造船務于京城西為戰艦數百艘得景降卒教水戰明年世宗再征淮使環將水戰卒數千自蔡河入淮環居軍中未嘗有戰功蜀卒與環俱擒者世宗不殺悉以從軍後多南奔于景世宗待環益不疑已而景將許文禎邊錫等皆被擒世宗悉以為將軍與環等列第京師歲時賜予甚厚明年幸淮南又以環從過疾卒于泗州

折從阮字可久雲中人初名從遠避漢高祖名改焉父

嗣倫為麟州刺史從阮為人溫恭長者居父喪以孝聞  
唐莊宗鎮太原以為牙將後為府州刺史晉出帝與契  
丹敗盟從阮以兵攻契丹取其城堡十餘遷本州團練  
使兼領朔州刺史安北都護振武軍節度使契丹西南  
面行營馬步軍都虞候漢高祖入立于府州建永安軍  
以從阮為節度使明年以其族朝京師徙鎮武勝即拜  
從阮子德辰為府州團練使周太祖入立從阮歷徙宣  
義保義靜難三鎮

按通鑑周廣順二年以從阮為保  
義節度使討野鶴族敗史失載

顯

德二年罷還京師行至洛陽卒贈中書令

按五代史此下有朱守殷

董璋范延光等傳今改入叛臣

妻繼英不知何許人歷梁唐為絳翼二州刺史北面水陸轉運使耀州團練使晉高祖時為左監門衛上將軍繼英子婦溫延沼女也延沼自其父韜伏誅兄弟廢居于許心嘗怨望及范延光反繼英有弟為魏州子城都虞候延光遣人以蠟丸書招繼英繼英乃遣延沼入魏延光見之大喜與之信箭使陰圖許延沼與其弟延濬



延袞募徒期攻許節度使萇從簡為備嚴延沼未及發  
蠟書事泄繼英惶恐不自安乃出奔許高祖下詔招慰  
之使復位繼英懼不敢出溫氏兄弟謀殺繼英以自歸  
延沼以其女故不忍張從賓反洛陽延沼兄弟乃與繼  
英俱投之繼英知溫氏之初欲殺已也反譖延沼兄弟  
於從賓皆殺之從賓敗繼英為杜重威所殺

按五代史  
此下有安

重榮安從進楊光遠李守貞王景崇趙思綰等  
傳今俱改入叛臣杜重威張彥澤改入逆臣

慕容彥超吐谷渾部人漢高祖同產弟嘗冒姓閻氏彥

趙黑而髯號閭崑崙少事唐明宗為軍校累遷刺史唐  
晉之間歷磁單濮棣四州坐濮州造趙受賕法當死漢  
高祖自太原上章論救減死流房州漢高祖起太原  
趙自流所逃歸拜鎮寧軍節度使杜重威反于魏高祖  
以天平軍節度使高行周為都部署以討之彥超為副  
與行周謀議多不協行周用兵持重至城下久不進彥  
超欲速戰而行周不許行周有女嫁重威子彥超楊言  
行周以女故惜賊城不攻行周大怒高祖聞二人不相

得懼有他變遂親征彥超數以事陵行周行周見宰相  
涕泣以尿塞口以自訴高祖知屈在彥超遣人慰勞行  
周召彥超責之又遣詣行周謝過行周意稍解時漢兵  
久頓重威守益堅諸將皆知未可圖而彥超獨言可速  
政高祖因自督士卒急攻死傷萬餘人由是不敢復言  
後重威出降高祖以行周為天雄軍節度使行周辭不  
肯受高祖為徙彥超鎮秦寧行周乃受隱帝謀殺周太  
祖及王峻等懼事不果召諸將入衛京師使者至克彥

趙方食釋七箸就道周兵犯京師開封尹侯益謂隱帝曰北兵之來其家屬皆在京師宜閉門以挫其銳遣其妻子登陴以招北兵可使解甲彥趙誚益曰益老矣此懦夫之計也隱帝乃遣彥趙副益將兵于北郊周兵至益夜叛降于周彥趙力戰于七里隱帝出勞軍太后使人告彥趙善衛帝彥趙大言報曰北兵何能為當喝使歸營又謂隱帝曰官家宮中無事明日可出觀臣戰明日隱帝復出勞軍彥趙戰敗奔兗州隱帝遇弒周太祖

入立彥超不自安數有所獻太祖報以玉帶賜詔安慰  
呼為弟而不名又遣翰林學士魚崇諒慰諭彥超益疑  
懼已而劉旻自立于太原攻晉絳太祖遣王進用兵西  
方彥超乘間亦謀反遣押衙鄭麟至京師求入朝太祖  
知其詐許之復稱管內多盜而止又為高行周所與書  
以進其辭皆指斥若欲共反者太祖驗其印文偽以示  
行周彥超又遣人南結李昇昇出兵攻沭陽為周兵所  
敗而劉旻攻晉絳不克解去太祖乃遣侍衛步軍指揮

使曹英客省使向訓討之彥超閉城自守彥超之反也  
判官崔周度諫彥超大怒未有以害之已而見圍因大  
括城中民貲以犒軍前陝州司馬閻弘魯懼鞭朴悉家  
貲以獻彥超以為未盡又欲并罪周度乃令周度監括  
弘魯家弘魯遣家僮與周度斫掘無所得彥超又遣鄭  
麟持刃迫之弘魯惶恐拜其妻妾皆言無所隱周度入  
白彥超彥超不信下弘魯及周度于獄弘魯乳母于泥  
中得金纏臂獻以贖弘魯彥超大怒遣軍校笞弘魯夫

婦肉爛而死遂斬周度於市彥超詐而好聚斂在鎮嘗置庫質錢有奸民為偽銀以質者主吏久之乃覺彥超陰教主吏夜穴庫垣盡徙金帛它所而以盜告彥超即勝于市使民自占所質以償之民皆爭以所質物自言乃得質偽銀者寘深室使教十餘人日夜為之皆為質包以銀號鐵胎銀其被圍也勉城守者曰吾有銀數千錠當悉賜汝軍士私相謂曰此鐵胎爾皆不為之用明年五月太祖親征城破彥超夫妻投井死遂滅其族

詔贈閻弘魯左驍衛大將軍崔周度祕書監

按五代史此下有馮

道才琪鄭珪等傳

今俱改入貳臣

欽定續通志卷二百九十五